

Hello?

'Di mo madidikta ang syang nasa isip ng tao  
Harapin ang katunggali ang makikita'y mukha mo  
Salaming laging tinatanong kung ano ang sekreto  
Bakit kahit na dehado panalo kahit balato  
Lang ang hawak sa kamay, 'pag lumakad ay pilay  
Parang hawak na saklay, katapangan na taglay  
Kahit mapalayo alam kong pano umuwi  
Nagbayad na po ako pero wala pa 'kong sukli

Kahit pa ako'y isang datihan  
Na galon-galong pinapawisan  
Mananatili pa ring isang baguhan  
Kahit gaano kalayo ay mararating  
Kasya pa ang aking sukli  
Kasya pa ang aking sukli  
Kasya pa ang aking sukli

Mula pa noon, ay sinimulan ko nang gumapang  
Hanggang ngayon, ay nakahanda akong lumaban  
Lahat ng tanong, mga sagot aking hahanapan  
Bawat taon, nilakad at dinaanan  
Kahit maputikan ang aking sapatos  
Na pinag-ipunan ng hiras at pagod sa pag-  
Tawid sa tulay na walang gabay, sugat sa kamay na  
Bawal ang aray kahit mamatay at gutay-gutay pa  
Gusto ko lamang sabihin ay 'di madali  
Ang mga kailangan kong danasin para  
Lang maabot ang mga kailangan ng aking mga supling  
Bagamat mailap ang pagkakataon, pinagkasya ko ang sukling  
Sakin ay inabot, inunat ang baluktot bakit tadhana ay malikot  
Iwasan ang mayamot kahit na matabunan ka pa ng mga sigalot  
Ngunit di ka papayag dahil katapangan mo'y di maikukubli  
Kahit na ano pang sabihin ng iba'y kasya pa ang aking sukli

Kahit pa ako'y isang datihan  
Na galon-galong pinapawisan  
Mananatili pa ring isang baguhan  
Kahit gaano kalayo ay mararating  
Kasya pa ang aking sukli  
Kasya pa ang aking sukli  
Kasya pa ang aking sukli

Labing walong taon kapag nilingon ay parang balon na malalim  
Bawal ang magtapon dapat mag-ipon ako ay pison papatagin  
Ang lahat ng pikon di makatugon sa mga hamon uulamin  
Sa bawat araw na nag daraan ako'y laging nagdarasal, Ama Namin  
Dambuhala man ang nakaharang ay 'di tumitigil 'di papapigil  
Kahit kanino ako'y pursigido na parang baguhan, ako'y nanggigigil  
Batang pulibi gutom, bibig ko na di pwedeng mapatikom  
Sisiguraduhin ko na iyong maririnig kahit na ito ay pabulong

Mula pa noon, ay sinimulan ko nang gumapang  
Hanggang ngayon, ay naka handa akong lumaban  
Umaalulong, isa lang ang aking natutunan  
Mula ngayon, ikaw ang dapat mong tulungan

Di papagapos sa daloy ng agos kahit na pulaan at laging mamaos sa pag  
Sigaw ng sigaw pag naliligaw libag ay ipagpag  
Itak mo'y bingaw, bigas ma'y hilaw wag kang bibitaw 'wag

Kahit pa ako'y isang datihan  
Na galon-galong pinapawisan  
Mananatili pa ring isang baguhan  
Kahit gaano kalayo ay mararating  
Kasya pa ang aking sukli  
Kasya pa ang aking sukli  
Kasya pa ang aking sukli